



Broj: 04-05-24479/19 IJ
Sarajevo, 01.7.2019. godine

SKUPŠTINA KANTONA SARAJEVO
- STRUČNA SLUŽBA VLADE
- MINISTARSTVO SAOBRAĆAJA KS

Reisa Džemaludina Čauševića 1
71000 Sarajevo

PREDMET: Odgovor na zastupničko pitanje broj 32/09

Povodom Vašeg obraćanja u vezi zastupničkog pitanja broj 32/09 sa 9. Sjednice Skupštine Kantona Sarajevo, a koje se odnosi na izgradnju saobraćajnice IX transverzale, u nastavku dajemo odgovor. Izgradnja gradske saobraćajnice IX transverzale se prema usvojenom dinamičkom planu trenutno nalazi u fazi izgradnje objekta nadvožnjaka preko željezničke pruge, tačnije izgradnja i montaža prednapregnutih AB nosača na polju 5, uz izgradnju kolovozne ploče i opreme. Kako je ovaj završni dio najzahtjevniji obzirom na isključenje napona kontaktne mreže, demontažu kolosjeka, izmjene u odvijanju željezničkog saobraćaja i sl., istom se pridaje posebna pažnja kako se ne bi ugrozili ljudski životi te kako bi se ispoštovali svi zakonski propisi koji se odnose na sudionike u građenju. Paralelno sa izgradnjom objekta vrši se izmještanje separatnog kanalizacionog sistema u zoni transverzale a čije izmještanje je uslovljeno izdatim saglasnostima i odobrenjem za građenje. Također, uporedo sa navedenim radovima izvode se radovi na izgradnji zidova i nasipa na dijelu trase između ulice Džemala Bijedića i objekta nadvožnjaka.

Na osnovu mišljenja nadzornog organa na zahtjev izvođača radova odobren je novi dinamički plan koji predviđa završetak ugovorenih radova zaključno sa 31.8.2019.g. Prilikom obrade zahtjeva uzete su u obzir okolnosti koje su se desile za vrijeme proteklog perioda na projektu a koje nisu uzrokovane izvođačem radova, kao što su: izmještanje zatečenih neevidentiranih instalacija na terenu, izgradnja platoa za izradu AB nosača, sklapanje sporazuma investitora sa JP Željeznice Federacije BiH o ulasku u neophodni pojas željezničke pruge, kao i nepovoljne vremenske prilike unutar proteklog zimskog peroda.

Nakon što se riješe preostali imovinsko pravni odnosi, za čije rješavanje je zadužen Zavod za izgradnju Kantona i Općina Novi Grad Sarajevo, moći će se pristupiti ugovaranju i realizaciji projekta spoja IX transverzale na ul. Safeta Zajke izgradnjom kružne raskrsnice-rondona sa čime bi se, uz rekonstrukciju raskrsnice sa ul. Džemala Bijedića, kompletirali planirani radovi na izgradnji IX transverzale.



web: <http://ms.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





Trenutno ukupna ugovorena vrijednost radova iznosi: 10.586.829,43 KM kroz 6 potpisanih ugovora na okvirni sporazum, a realizovano je ukupno: 6.765.341,89 KM. U naredna 2 mjeseca se očekuje znatno povećanje stepena realizacije kroz završetak finalnih faza objekta.

S poštovanjem,

DIREKTOR

Selmir Kovac, dipl.ing.saob.

Dostaviti:

- naslovu 3x
- evidenciji
- a/a

